

Na osnovu strateških ciljeva Općine Visoko koji se odnose na stvaranje boljeg poslovnog ambijenta, novih investicija i otvaranja novih radnih mjesta, podsticanja samozapošljavanja i privatne inicijative a u cilju implementacije programa „Razvoja savremene proizvodnje jagodičastog voća“, te na osnovu sporazuma o poslovno - tehničkoj saradnji između Općine Visoko i kompanije «Frutti-Funghi» d.o.o Visoko kojim se definišu međusobna prava i obaveze u realizaciji pomenutog programa a sve u cilju zapošljavanja ruralnog stanovništva, Općina Visoko raspisuje

JAVNI POZIV

za odabir korisnika Projekta «Razvoja savremene proizvodnje jagodičastog voća na području općine Visoko u cilju zapošljavanja stanovništva u ruralnim područjima na području općine Visoko»

I. PREDMET JAVNOG POZIVA

Realizacija ovog programa podrazumjeva organizaciju i proširenje proizvodnje plodova odabranih kultura iz grupe «jagodičasto» voće (malina, kupina, borovnica i jagoda) te njihov plasman na domaće i izvozno orijentisano tržište od strane kompanije «Frutti-Funghi» d.o.o Visoko. Ovaj program osmišljen je tako da se razvoj proizvodnje plodova na području općine Visoko bazira na lokalnoj produkciji sadnog materijala u okviru kompanije «Frutti-Funghi» d.o.o. Visoko koja posjeduje rasadnički kapacitet u saradnji sa općinom Visoko kao partnerom/sufinansirerom projekta koja se obavezuje da će ove i u naredne četiri godine planirati sredstva za realizaciju ovog projekta i izvršiti odabir korisnika na osnovu javnog poziva, mišljenja komisije i sačinjene rang liste, a na osnovu propisanih kriterija. Kompanija «Frutti-Funghi» se obavezuje da će finansirati troškove podizanja zasada u sredstvima neophodnim za zasnivanje istih koji uključuju ali se ne ograničavaju na sadnice, prehranu, zaštitu zasada, sistem za navodnjavanje, stručnu i savjetodavnu pomoć u iznosu od 3.000,00 KM beskamatno po korisniku za minimalno jedan dunum ili maksimalno dva dunuma zemljišta ovisno o vrsti odabrane kulture iz grupe «jagodičasto voće» koja će biti zasađena (minimalno 1 dunum zemljišta za sadnju jagode ili maksimalno 2 dunuma zemljišta za sadnju maline, ili 1 dunum maline i 0,5 dunuma jagode) gdje svaka od pomenutih varijanti podrazumjeva troškove u iznosu od 3.000,00 KM. Odabrani korisnici će po prispjeću roda odnosno nakon proteka perioda od 12 mjeseci ili 24 mjeseca od zasnivanja zasada (ovisno o vrsti odabrane kulture iz grupe „jagodičasto voće“) izvršiti povrat beskamatnih kreditnih sredstava Nosiocu projekta – kompaniji „Frutti-Funghi“ d.o.o. Visoko u proizvedenoj vrsti odabrane kulture jagodičastog voća čija protuvrijednost iznosi ukupno 3.000,00 KM. Ovaj program ima za cilj zapošljavanje ruralnog stanovništva direktno i indirektno, odnosno povećanje broja radnih mjesta, povećanje i proširenje proizvodnje jagodičastog voća, povećanje površina plantaža jagodastog voća, proširenje postojećih kapaciteta i poboljšanje kvaliteta domaćih proizvoda, održiv razvoj, povećanje izvoza te povećanje konkurentnosti.

Pravo učešća imaju sva fizička lica koja ispunjavaju opće uslove navedene u nastavku teksta javnog poziva. Maksimalni broj korisnika po godini koji će biti odabrani putem javnog poziva je 100, odnosno 50 korisnika za proljetnu i 50 za jesensku sadnju. Ovim javnim pozivom se bira 50 korisnika i to: 30 korisnika koji će uzgajati malinu i 20 korisnika koji će uzgajati jagodu.

II. PRAVO UČEŠĆA I USLOVI ZA DODJELU

1. Podnositelj/ka ima prebivalište na području općine Visoko;
2. Podnositelj/ka mora nesmetano raspolagati sa minimalno 1000 m² zemljišta i maksimalno 2000 m² zemljišta (minimalno 1000 m² zemljišta za uzgoj jagode ili maksimalno 2000 m² zemljišta za uzgoj maline ili 1,5 dunuma zemljišta za sadnju 1 dunuma maline i 0,5 dunuma jagode);
3. Zemljište mora biti pogodno za uzgoj jagodičastog voća (osunčano, prihvatljivog nagiba, bez viška podzemne vode, niskog terena, pogodnog hemijskog sastava-kiselosti). Korisnik koji bude izabran na osnovu javnog poziva obavezan je finansirati pedološku analizu zemljišta kojom će se utvrditi pogodnost zemljišta za uzgoj (troškovi pedološke analize iznose 50,00 KM);
4. Potvrda nadležne općinske službe prema mjestu prebivališta da je podnositelj/podnositeljka registrovan/a ili podnio/podnijela zahtjev za upis u Registar poljoprivrednih gazdinstava;
5. Podnositelj/ka trebaju imati obezbijeđen pristup vodi za navodnjavanje zasada (česma, bunar, potok)

6. Podnositelj/ka se obavezuje da će dobijenu količinu jagodičastog voća, po prispjeću roda odnosno nakon proteka perioda od 12 mjeseci ili 24 mjeseca od zasnivanja zasada, dati na otkup i izvršiti povrat beskamatnih kreditnih sredstava Nosiocu projekta – kompaniji „Frutti-Funghi“ d.o.o. Visoko u proizvedenoj vrsti odabrane kulture jagodičastog voća čija protuvrijednost iznosi ukupno 3.000,00 KM.

III. OBAVEZNA DOKUMENTACIJA:

1. Popunjen obrazac za prijavu;
2. Kopija lične karte – ovjerena;
3. Dokaz o vlasništvu/posjedu nad parcelom (ZK izvadak ili posjedovni list) ili:
 - Ugovor o zakupu sa ZK izvadkom na period od 10 godina za proizvodnju maline odnosno na 3 godine za proizvodnju jagode;
 - Rješenje o naslijeđivanju sa ZK izvadkom ili posjedovnim listom;
 - Kupoprodajni ugovor sa ZK izvadkom ili posjedovnim listom;
 - Ukoliko pojedinac živi u zajedničkom domaćinstvu sa vlasnikom zemljišta uz ZK izvadak dostavlja i kućnu listu;
 - Ukoliko je zemljište u suvlasništvu uz zahtjev se dostavlja saglasnost suvlasnika da podnosilac zahtjeva može izvršiti zasad maline ili jagode;
4. Ovjerena izjave:
 - korisnika da će ukoliko bude izabran na osnovu javnog poziva finansirati pedološku analizu zemljišta kojom će se utvrditi pogodnost zemljišta za uzgoj (troškovi pedološke analize iznose 50,00 KM);
 - korisnika da će po prispjeću roda odnosno proteka perioda od 12 mjeseci ili 24 mjeseca od zasnivanja zasada (ovisno o vrsti odabrane kulture iz grupe „jagodičasto voće“) izvršiti povrat beskamatnih kreditnih sredstava Nosiocu projekta u proizvedenoj vrsti odabrane kulture jagodičastog voća čija protuvrijednost iznosi ukupno 3.000,00 KM.
5. Potvrda nadležne općinske službe da je podnositelj/podnositeljka registrovan/a, ili podnio/la zahtjev za upis u Registar poljoprivrednih gazdinstava i Registar clijenata ili je član domaćinstva upisanog u registar;
6. Kućna lista
7. Potvrda sa biroa za podnositelja zahtjeva i članove domaćinstva
8. Uvjerenje o pripadnosti boračkoj populaciji, porodici šehida, RVI ili demobilisanih boraca ili civilnim žrtvama rata ukoliko pripada određenoj kategoriji

V. PROVOĐENJE POSTUPKA PO JAVNOM POZIVU

Postupak po Javnom pozivu provest će općinska komisija koju će imenovati Općinska načelnica zajedno sa predstavnikom kompanije „Frutti-Funghi“ d.o.o Visoko. Općinska komisija provest će vrednovanje pristiglih prijava. Uslov za učešće u programu je da zemljište mora biti pogodno za uzgoj jagodičastog voća a korisnik koji bude izabran na osnovu javnog poziva obavezan je finansirati pedološku analizu zemljišta. Ukoliko se pedološkom analizom utvrdi da zemljište nije pogodno i da investicija nije isplativa kandidat gubi pravo na ulazak u Program, a Općinska komisija na osnovu već ranije sačinjene rang liste bira sljedećeg kandidata koji je dužan ispitati svoje zemljište. Odabrani kandidati će sa Općinom Visoko i kompanijom „Frutti-Funghi“ d.o.o Visoko zaključiti ugovor kojim će se regulisati međusobna prava i obaveze.

VI. VREDNOVANJE PRISTIGLIH PRIJAVA

Uz ispunjavanje formalno-pravnih uslova koji se odnose na dostavljanje potrebne dokumentacije (dokaza) prijave će se vrednovati na osnovu:

- Izvještaja Komisije;

- Prednost pri odabiru imaju nezaposlene osobe do 35 godina starosti, porodice šehida, ratni vojni invalidi i demobilisani borci;

VII. ROK ZA PODNOŠENJE PRIJAVA

Rok za podnošenje prijava na javni poziv je 10 dana od dana objavljivanja na web stranici općine Visoko www.visoko.gov.ba i oglasnoj ploči Općine Visoko. Prijavni obrazac zajedno sa izjavama mogu se preuzeti u prostorijama Općine Visoko na protokolu šaltera Službe za finansije, privredu i lokalni ekonomski razvoj ili na web stranici općine Visoko: www.visoko.gov.ba.

Prijave se dostavljaju u zatvorenoj koverti sa naznakom: Prijava na Javni poziv za odabir korisnika Projekta «Razvoja savremene proizvodnje jagodičastog voća na području općine Visoko u cilju zapošljavanja stanovništva u ruralnim područjima» - ne otvaraj, na adresu: Općina Visoko, Ul. Alije Izetbegovića 12A, 71300 Visoko, a može se podnijeti i neposredno predajom zatvorene koverta ovlaštenom službeniku za prijem podnesaka (protokol) Službe za privredu, finansije i lokalni ekonomski razvoj Općine Visoko.

Priloženi dokumenti moraju biti originali ili ovjerene kopije ne starije od 6 mjeseci. Tekst Javnog poziva svi zainteresirani mogu preuzeti na web stranici općine Visoko www.visoko.gov.ba. Nepotpune i neblagovremene prijave se neće uzeti u razmatranje.

Sve dodatne informacije mogu se dobiti na broj telefona 032/732-516 i 032/732-562 ili u kancelariji broj 20 i 21. Lista odabranih korisnika će biti objavljena na oglasnoj ploči i zvaničnoj stranici Općine Visoko na www.visoko.gov.ba

OPĆINSKA NAČELNICA

mr.sci. Amra Babić